

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

## **NAREDBU**

### **O HOMOLOGACIJI RETROVIZORA I MOTORNIH VOZILA SA DVA TOČKA SA ILI BEZ BOČNE PRIKOLICE U POGLEDU UGRADNJE RETROVIZORA NA UPRAVLJAČ SA RUČKAMA**

#### **I PODRUČJE PRIMJENE**

##### **Član 1.**

U skladu sa ovom naredbom moraju biti homologovani:

- retrovizori namjenjeni za ugradnju na vozila kategorije L koja nemaju karoseriju koja djelimično ili potpuno okružuje vozača;
- vozila kategorije L koja nemaju karoseriju koja djelimično ili potpuno okružuje vozača u pogledu ugradnje retrovizora.

Za vozila sa manje od četiri točka koja imaju karoseriju koja djelimično ili potpuno okružuje vozača primjenjuju se odredbe Naredbe o homologaciji uređaja za posredno osmatranje i motornih vozila u pogledu ugradnje tih uređaja (ECE pravilnik br. 46- Jednoobrazni propisi koji se odnose na homologaciju uređaja za posredno osmatranje i motornih vozila u pogledu ugradnje tih uređaja).

#### **II ZAHTJEVI**

##### **Član 2.**

Jednoobrazni uslovi za retrovizore i vozila iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju retrovizora i motornih vozila sa dva točka sa ili bez bočne prikolice u pogledu ugradnje retrovizora na upravljač sa ručkama (Pravilnik broj 81 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 81), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa (“Službeni glasnik Bosne i Hercegovine”, broj /2010).

ECE pravilnik br. 81 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

### III HOMOLOGACIJA I ISPITIVANJE

#### Član 3.

Homologacija retrovizora i vozila iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja retrovizora i vozila iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

### IV PROVJERA USKLAĐENOSTI

#### Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvedenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 81 prema Odluci o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

### V PRIMJENA

#### Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Ministar

.....  
mr sc. Rudo Vidović